

DOMINICA ULTIMA MENSIS AUGUSTI.

IN FESTO

B. JOANNIS DE RIBERA,  
 PATRIARCHÆ ANTIOCHENI,  
 ET ARCHIEPISCOPI VALENTINI,  
 DUPLEX SECUNDÆ CLASIS.

*Omnia de Communi Con-  
 fessoris Pontificis, 1. loco  
 præter ea, quæ sequuntur.*

HYMNUS

AD UTRASQUE VESPERAS.

**H**unc diem læti cele-  
 bremus omnes,  
 Quippe jam coeli solio  
 potitur  
 Rite qui nostram simul  
 ac vocetur  
 Proteget Urbem.  
 Finis hic lætus, placidus-  
 que amoris  
 In Deum summi, lacri-  
 masque coelo  
 Jam tibi tergit, fuerat  
 qui in orbe  
 Pastor, et Agnus.  
 Te pius blandis animo  
 jacentem

Erigit dictis, citiusque  
 dicto

Ut decet pares, hilarique  
 tota

Plauderis Urbe.

Te sacro dignum baculo  
 decora

Civitas sensit, pecus om-  
 ne tutum

In tuo sedit gremio, tuo-  
 que

Pectore gaudens.

Hæc canit sacro tibi mag-  
 na templo,

Corda dum fervent, cho-  
 rus hic fidelis,

Da piis, Præsul, solitas  
 precamur

Vocibus aures.

Laus tibi coeli Pater, at-  
 que Princeps

Omnium Rector, simul  
 et Creator,

Quem fides veri studio-  
sa trinum  
Credit et unum. Amen.

### ORATIO.

**D**EUS, qui BEATUM  
JOANNEM Confes-  
sorem, atque Pontificem  
pastorali sollicitudine, et  
divini Sacramenti Corpo-  
ris, et Sanguinis tui dile-  
ctione admirabilem effe-  
cisti; quæsumus, ut, ejus  
intercessione, redemptio-  
nis tuæ fructus nos jugiter  
facias esse participes. Qui  
vivis, &c.

### AD MATUTINUM.

#### HYMNUS.

**P**uris amoris ignibus  
Intus JOANNES æstuat  
Dum corde mundo my-  
sticam  
Supplex adorat Hostiam.  
In Numinis præsentia  
Sacras ad aras pervigil  
Fundit preces, et lacrymas  
Coeli repletus gaudiis  
Tum charitate fervida  
Totum Deo se devovet,  
Ut rite grex fidelium  
Tantum colat mysterium.  
Sit cultus ut perenniter

Insigne templum cons-  
truit,

Quod consecratum corpo-  
ris

Christi dicat sub nomine.  
Simul probatis moribus  
Suos alumnos instruit,  
Procul repulsis impiis  
Hostis maligni fraudibus.  
Devota plebs ad pascua  
Vitæ volens adducitur,  
Iter salutis arripit  
Sanctum secuta Præsu-  
lem.

Ergo tibi sit gloria  
Inseparata Trinitas  
Cum Patre, Verbum,  
Spiritus  
Qui condidistis omnia.  
Amen.

### IN I. NOCTURNO

*Lect.* Fidelis sermo.

### IN II. NOCTURNO

*Lectio IV.*

**J**OANNES DE RIBERA  
Hispani natus anno  
millesimo quingente-  
simo trigesimo secundo  
acceptum ex clarissima fa-  
milia decus non solum re-  
tinuit, sed quampluri-  
mum etiam suis ipse vir-  
tutibus auxit. Ejus adhuc

pueri innocentia, et pudor, et gravitas quædam morum adeo explendescibat; ut, eo præsentem omnes vererentur, ne quid indecore dicerent, aut facerent. Quum apud Patrem humanioribus fuisset litteris egregiè instructus, Salmanticam ad severiores disciplinas, ea in Academia doctissimis viris adfluente, addiscendas fuit missus. Ubi quum integritate vitæ, et pietate cunctis exemplo esset, videturque, ut magister ejus dicebat, ad corrigendos, et componendos condiscipulorum suorum mores venisse, tum eos fecit in studiis progressus, omnium ut ora in se unum converteret. Itaque Theologiæ doctoris laurea rite ornatus, factusque ipse Presbyter, dignus est habitus, quem Pontifex Maximus, postulante Philippo II. Rege, vel ante legitimum triginta annorum ætatem Episcopum Pacensem crearet.

*Ps.* Inveni David ser-

vum meum, óleo sancto meo unxi eum: \* Manus enim mea auxiliabitur ei. *ps.* Nihil proficiet inimicus in eo, et filius iniquitatis non nocebit ei. Manus, &c.

*Lectio V.*

**Q**uo in munere tamen se præstitit, qualem Timotheum Episcopum etiam juvenem Apostolus Paulus instituit, ita ut, magna cum auctoritate, Episcoporum officia in Concilio Compostellano explicare potuerit. Qua profecto re permotus Sanctus Pius V. Pont. Max. eum, paucis post annis, in Cardinalium coetu publicè, et magnificentissimè laudatum, Patriarchæ Antiocheni dignitate auxit, nec multos post menses eundem ad Valentiniæ Archiepiscopatum invitum transtulit, Valentinis quidem, ob ejus adventum, lætitia, Pacensibus verò, ob discessionem, moerore summo adfectis. Gregem suum, quoad vixit, omniratione pavit, verbo, scrip-

tis, Sacramentorum administratione, conciliis habitis: eum sæpè circumibat, ad necessitates ejus omnes præsto erat, immane pecuniæ pondus tum in iis sublevandis, tum in plerisque Templis, ac Coenobiis, vel condendis, vel instruendis, collocasse quotannis repertus est. Accessione potentia ei facta ex Pro regis munere, quod subeundum ipsi fuit in Valentia regno, Philippo tertio cogente, ea est usus ad vitia magis excindenda, Christianasque virtutes latius suo in populo disseminandas. Ejus consilio, diligentia, diuturnoque labori, et operæ tribuendum est, quod Mauriscorum pestis ex Valentia Regno fuerit depulsa, atque exhausta.

ꝛ. Pó sui adjutórium super poténtem, et exaltávi electum de plebe mea: \* Manus enim mea auxiliabitur ei. ꝥ. Invéni David servum meum, óleo sancto meo unxi eum. Manus, &c.

## Lectio VI.

Quum virtutibus ipse omnibus floreret, tum præcipua, ac mirifica prorsus ejus extitit erga Sanctissimum Eucharistiæ Sacramentum pietas, quo coram complures quotidie horas venerabundus transigebat in tanta occupatione vitæ: nec ullum intermisit diem, quin Sacrificium perageret, quo tempore vim lacrymarum singulari incensus charitate profundebat. Atque ut ad mysterium illud amoris divini justis laudibus prosequendum exsuscitare homines, indulgentiarum ei rei præmium quoddam á Pontifice Maximo proponi impetravit. In clarissimum Collegium, quod Corporis Christi voluit nominari, constituendum, inque ejus ædes, et Ecclesiam magnifice ædificandam, hereditatem, quæ, Patre mortuo, sibi obvenit, valdè opimam, contulit. Quibus in ædibus sedem sibi ipse delegit, ibique, Episcopatus labori-

bus quadraginta novem annos fortissime perlatis, tandem defunctus, die, quem prædixerat, postri- die nonas Januarii anni millesimi sexcentesimo un- decimi, omnibus munitus Ecclesiæ Sacramentis, Je- sum ter clara voce adpel- lans, animam suavissime efflavit. Magna fuit in existimatione apud Prin- cipes, Reges, Antistites, ipsosque adeo Pontifices Maximos, S. Pium V., Clementem VIII., ac Paulum V., summaque necessitudine coniunctus cum omnibus fere, qui ea ætate sanctimonia excel- luerunt, in quibus San- ctus Carolus Borromæus quam eum haberet carum, testimonio sunt eæ episto- læ quas ad illum dedit. Sepulcro illátus est in Ec- clesia ipsa Collegii á se conditi, ejusque præstan- tibus virtutibus miraculis- que, eo deprecatore, fa- ctis, denique probatis,  
**PIUS SEXTUS** Pont. Max. eum Beatum rite pronuntiavit XIV. Ca-

lendas Octobris anni mil- lesimi septingentesimi no- nagesimi sexti.

R. Iste est qui ante Deum magnas virtútes operátus est, et omnis terra doctrina ejus replé- ta est: \* Ipse intercédât pro peccátis ómnium po- pulórum. ψ. Iste est qui contémpsit vitam mundi, et pervenit ad coelestia regna. Ipse, &c. Gloria Patri. Ipse, &c.

#### AD LAUDES.

##### HYMNUS.

**G**Audete cives: mu- nera  
Grato feramus pectore,  
Nostroque dulces Præsuli  
Hymnos canendos discite.  
Ortas ab imo lacrymas  
Est corde visus fundere,  
Sic sæpe plorans devios,  
Quos Agnus emit sangui-  
ne.  
Agno Dei Pastor bonus  
Mauros rogat, dent ut  
fidem:  
Fidem recusant perfidi,  
Minantur et necem truces.  
Sed parce luctu Civitas  
Præclara sanctorum pa-  
rens,

Jure hos videbis exules  
Hispano ab omni littore,  
Sis ó! memor dulcis Pa-  
rens

Nos esse eorum filios,  
Salvere quos tu jusseras  
Mortem subire proximus.  
Ergo tibi sit gloria  
Inseparata Trinitas  
Cum Patre, Verbum, Spi-

ritus

Qui condidistis omnia,  
Amen.

IN III. NOCTURNO.  
*Lect. Homiliæ in Evange-  
lium secundum Matthæum:  
Homo pégré, &c. Mis-  
sa: Statuit, cum oratio-  
nibus propr.*

### VALENTINA.

**S**anctissimus Dominus Noster Pius VII. Pont.  
Max. ad Preces Reverendissimi Archiepisco-  
pi Valentini, necnon Capituli ejusdem Ecclesiæ Ca-  
thedralis, ac P. Vincentii Castrillo, ex Genera-  
lis Ordinis Minimorum S. Francisci de Paula,  
Postulatoris Causæ Canonizationis B. Joannis de  
Ribera, Archiepiscopi Valentini: Inspectis his, quæ  
in supplice Libello enarrantur, me infrascripto Se-  
cretario referente, benignè assignavit quotannis in  
posterum pro Civitate et Diocesi Valentina ultimam  
Dominicam mensis Augusti Festo cum Officio et  
Missa in honorem dicti Beati Joannis de Ribera,  
loco Dominicæ III. post Epiphaniam assignatæ.

Præterea elevavit ritum ejusdem Officii ad du-  
plicem secundæ classis sine octava pro Clero Sæcu-  
lari, et Regularibus utentibus Calendario Diocæ-  
sano Civitatis Valentini tantum. Die 13. Decem-  
bris 1800. = Julius Maria Cardinal. de Somalia  
S. R. C. Præfectus. = D. Archiepiscop. Migres,  
S. R. C. Secretarius.

*Suprascriptos Hymnos pro Officio Beati Joannis de Ribera ad utrasque Vesperas, Matutinum, et Laudes, ab Emmo. Rmo. Dño. Cardinali de Somalia, Sanctissimi Domini nostri Pii VII. Pont. Max. in Urbe Vicario, Sacrorumque Rituum Congregationis Præfeto, cum R. P. D. Hieronymo Napulioni Fidei Promotore revisa, prout iacent, ipse Sanctissimus Dominus noster, Supplicante Reverendissimo Archiepiscopo Valentino cum Capitulo suæ Ecclesiæ Cathedralis, ab universo Clero Civitatis et Diœcesis Valentinae quotannis in Officio ejusdem B. Joannis legi posse benigne concessit. Die 26. Novembris 1806. = Julius Maria Cardinalis de Somalia, S. R. C. Præf. = J. Caperno S. R. C. Secr.*

Es copia del original, que queda en este Archivo de la Santa Iglesia de Valencia, de lo que certifico: 6. de Febrero de 1808. = D. D. Francisco Ortells, Presbítero, Archivero, Vice-Secretario.

